

Euskal Herriko Ahotsak
ahotsak.com

Legorreta



Aurkibidea

Udalerria: Legorreta

Sarrera



Gipuzkoako erdialdean eta Goierriko eskualdean dagoen udalerri euskalduna da. Iparraldean Albiztur eta Tolosa, ekialdean Ikaztegieta, Orendain eta Baliarrain, hegoaldean Alzaga eta mendebaldean Itsasondo udalerriak mugakide ditu. Asentzioetan ospatzen dira herriko festak eta ospe handikoa da, Asentzio egunez egiten den "gizon piku" prozesioa.

- **Biztanleak:** 1.491
- **Euskaldunak:** %71,64

Ahotsak.eus-eko datu orokorrak

- Hizlariak: **11**
- Zintak: **15**
- Pasarteak: **30**
- Transkribatutakoak: **3**
- Audioak: **0**
- Bideoak: **30**

Proiektuak

- Euskal Herriko Ahotsak
- Goierri Telebista
- San Ignacio ikastetxea. Ahozko ondarea jasotzen

Hizlariak

Felixiano Belamendia Garmendia (1931)



Felixiano Lasarten jaio zen, baina urte bete zuela aita hil zitzaion eta Legorretako Ajoain baserrira joan zen bizi izatera ama eta jaiotzear zen arrebarekin; ama zuen bertakoa, aita, berriz, Goiazkoa. Beasaingo La Salle eskolan ikasi zuen 12 urte zituen arte. Eskola bukatu eta hainbat tokitan egin zuen lan, Legorretako mehatzean, besteak beste. Mehatzeko kontuak eta Legorretako beste hainbat istori kontatu zizkigun Felixianok elkarrizketa egunean.

Patxi Esnaola Esnaola (1925-2015)



Patxi Legorretako Petrine baserrian jaio zen, aita zuen bertakoa, ama, berriz, Baliarraingoa. Hamaika urte zituela, umezurtz geratu zen eta anaia zaharrena gerrarako deitu zuten. Tarte horretan, Patxik baserriko lanak beregain hartu beharra izan zituen, senideen artean mutilik zaharrena baitzen. Hamalau urterekin Legorretako paper-lantegian hasi zen lanean eta bertan egon zen erretiratu arte.

Santos Esnaola Esnaola (1930)



Legorretako Koate auzoko Petriñea baserrian jaioa 1930ean. Aita Legorretako Oriarte baserrikoa eta ama Baliarraingo Lopetegikoa zituen eta hamar anai-arreba ziren sendian. Oso gazterik hil zitzaizkion gurasoak, ama bera jaio eta bi egunetara eta aita berriz 42 urterekin; hori dela-eta, bizimodu gogorra igaro beharra suertatu zitzaion. Sei urterekin hasita, Legorretako eskola nazionalean ibili zen hamahiru urtera arte. Hainbat lantegitan lan egina da, arotz lantegian, "Etxeberria anaiak"en eta Prodeman, denak ere Legorretan. Koate auzoko Kabialai etxera ezkondu zen.

Maria Bitoria Estanga Arzeluz (1942)



Legorretako Ugasaletxe baserrian jaio zen. Ama astigarrakoa zuen izatez, baina 11 urterekin joan zen Ugasaletxera, osaba-izeben etxera; aita, berriz, Betelukoa zuen. Sei senidetan bigarrena, Legorreta eta Ikaztegietakoko eskoletan ikasi zuen, nahi baina gutxiago ordea, 13 urte zituela, ikasten gustora ari zen momentuan, eskola utzi beharra izan baitzuen baserri lanak egiteko. 18 urte zituela Tolosara joan zen neskame, bertan ezagutu zuen bere senarra izango zena, Joxe idiazabaldarra. 34 urte zituela Idiazabalera ezkondu eta bertan bizi izan zen.

Ines Garmendia (1920)

Ines Baliarrainen jaio zen 1920an, baina familia Legorretara jeitsi zen berak 5 urte zituela. Eskolan 6 urterekin hasi eta 13 urtera arte ibili zen. Maistra erdalduna zuen, Zamorakoa. 14 urterekin Ordiziara jun zen jostera eta 16rekin Tolosako papeleran hasi zen lanean. Zazpi seme-alaba izan eta sei hazi zituen.

Felix Garmendia Goiburu (1916-2008)

Felix Garmendia Goiburu Zizurkilen jaio zen 1916an. Eskolan Oiartzunen ibili zen, ama bertara ezkondu baitzen. Gerra Zibilean Villarrealeko frentean eta Asturiasen egotea suertatu zitzaion. Ezkondu eta lau seme-alaba izan zituen. Lanean berriz, pizarrerian hasi zen aprendiz modura. Gerora, Beasainen ere ibili zen eta bere kontura lanean danetatik egitea tokatu zitzaion.



Joxepi Jauregi Apalategi (1940)

Zazpi senidetan zaharrena. Aita Legorretakoa zen, arotza lanbidez; ama Olaberriakoa eta etxeandrea. Joxepi jostun lanetan ibili zen.

Maria Lazkanoiturburu Uranga (1927)



Maria Ikaztegietao elektrizitate zentrolean jaio zen, bere gurasoek egiten zuten bertan lan, aita oñatiarra zuen eta ama azkoitiarra. Zortzi hilabete zituela Legorretako Garikano baserrira joan zen bizitzera, aita papeleran hasi baitzen lanean. Zazpi senideetan bigarrena. 12 urterekin eskola utzi uen amari etxeko lanetan laguntzeko. Gaztetan josten ikasten ibili zen Ordizian, 19 urte zituela Legorretako seme zen Pepitorekin ezkondu zen arte. Legorretan bizi izan ziren eta bost seme-alaba izan zituzten.

Casilda Lopetegi Arrospide (1927-2018)

Casilda 1927an jaio zen, orduko gehienak bezala baserrian. Sei senide ziren etxean. Eskolan gazteleraz ikasi zuen, baina goizeko doktrina euskaraz izaten zen. Komunio txikia 7 urterekin egin zuen eta behin komunio handia 12 urterekin eginda heldutzat jotzen zituzten. Senargaia Tolosan ezagutu zuen, 22 urterekin ezkondu zen eta 5 seme-alaba eduki zituen.

Joxe Mujika Garmendia (1941)



Joxe Legorretako kale-etxe batean jaio bazen ere, hiru urte zituela Ajoain baserrira joan zen bizitzera, aitaren jaiotetxera. Hamalau urte zituela, eskola bukatu berri, etxean zuten apopilo baten bitartez, Villabonako tailer batera joan zen ofizioa ikastera. 26 urterekin ezkondu zen, mailorazgoa izanik, baserrian geratu zen emazterekin eta bertan izan zituzten bi seme-alaba. Legorretan jaio hezi eta bizi izanagatik, bertako hainbat kontu kontatu zizkigun Joxek elkarrizketa egunean.

Mari Karmen Urretabizkaia Iriondo (1931)



Guraso biak Legorretakoak zituen. Tolosan ikasi zuen, kolegioan. Gero, josten ikasi zuen, Ordizian. Irunera joan zen bizitzera; Jaengo gizon batekin ezkondu zen, eta lau seme izan zituzten.

Pasarteak gaika

Herri honetan landu eta transkribatu diren pasarteak, gaika antolatuta.

1. Ohiturak eta bizimodua

1.1. Inguruko mendietara eta jaietara joaten zirenekoa

- **Hizlaria(k)**: Esnaola Esnaola, Santos
- **Elkarrizketatzailea(k)**: Otegi, Aitziber
- **Erref**: LGO-001/053
- **Iraupena**: 0:02:29. **Hasi**: 01:11:45. **Bukatu**: 01:14:14
- **Multimedia**: bideoa online ikusgai
- **Gaia(k)**:
 - Ohiturak eta bizimodua » Kontakizunak eta sinesmenak » Anekdotak, kontakizunak
 - Herria, azpiegitura » Garraioak » Bizikletak eta motorrak
 - Aisia » Jai-giroa » Beste toki batzuetara jaietara
 - Aisia » Jai-giroa » Erromeriak
 - Aisia » Mendia eta hondartza » Mendizaletasuna
- **Laburpena**: Legorreta inguruan egiten ziren erromeriak: Larraitzen, hala nola. Familiar joaten ziren mendira. Bizikletan joan izan da festa batzuetara, eta guardia zibilekin izandako anekdota kontatzen du.

Transkripzioa

- Ordun'e danetik izaten zan. Ordun'e lokalak festatan ta, baltsen ittea're prohibittutako urtek izaten zien, sueltun bakarrik dantza in behar izaten zan...

- Ta erromeriik itten zan hemen Legorretan?

- Bai, ingurutan erromerik e, bai. Hemen Legorretan bertan erromeri bezela ez dakit, ez zait akordatzen, erromeriik itten zanik. Baiño ordun'e Larraitzea ta hemen inguruko zeatan, hemendik pixkat [koxkor]... San Antonio ta holako egun berezitan, egun zea hoitan, batea ta bestea

ateatzen zan.

- Eta hemendik Larraitza oiñez...

- Larraitza oiñez askotan. Ba, beajea. Ta guk'e bi alabak eta Donostiko illoba're hemen asko eukitzen gendun ta bazkaria etxeti hartu —“el burro” ni izaten nintzen— ta guk bi alaba ta bestea're neska zan, illoba, ta bostok igual egune pasatzea Larraitzea egualdi onen, oiñez, tapa-tapa.

- Hemendik Larraitzea kamiñoz ala mendiz?

- Baliarraingo zea hortati sartzen giñen, ta geo horti Abaltzisketati ya birek ikasita genden nundi noa, [dena]. Hola izaten zan. Ta geo, bueno, pixkana-pixkana jun zan asuntoa... Gero, kamionen, herriko kamion bat lanen zeatzen zana're, hola, hauntza Larraitzeako, San Pedrok-eta izaten zien, Pazkoak eta... kamiona jarri bankilluk, garai baten izaten zien banku luzek kamionen, ta toldokin, ta egualdi ona bazan toldoa kenduta, ta San Antonioa ta ez dakit zenbat lekutaa kamionen. Autobusik'e... Ta gero autobus zahar batzuk'e sortu zien ta [ordun] autobusetan ta... hola ibiltzen giñen. Ta gero bizikletak, ta bizikletak behin hasi zanen'e, biziketa're diru pixkat gendunen bizikleta berrie erosi ta gero ya ez genduen kuidaoik! Eta gauen bi lagun igual gero biziketan ta... [Alegie]... nik farolik pare harrapauta nao Ikaztegieta festaa jun ta berandutu eta guardia zibillek alto. Ta nere moduko azkarrak izango zien. Gezurra esan, Itsaondokoa nitzela, ta multaik pagatu bare librau nintzen behiñik behin. Ni uaindio kontatzen aittu berri naiz, alegie... Ta han zeken bizikletan patentea Legorretakoa ta Itsasondokoa nitzela esan ta ez zien akordau. Haik'e gure moduko estudioa eukiko zuen.

- Ondo librau ziñen ordun.

- Bai, hola zien asuntok.

2. Euskara

2.1. Zuka, hika eta berorika: noiz eta norekin

- **Hizlaria(k)**: Esnaola Esnaola, Santos
- **Elkarrizketatzailea(k)**: Otegi, Aitziber
- **Erref**: LGO-001/054
- **Iraupena**: 0:02:19. **Hasi**: 01:14:14. **Bukatu**: 01:16:33
- **Multimedia**: bideoa online ikusgai
- **Gaia(k)**:
 - Euskara » Tratamenduak
 - Euskara » Tratamenduak » Berorika
 - Euskara » Tratamenduak » Hitanoari buruz
- **Laburpena**: Lagunartean, mutilek euskaraz eta hika egiten zuten. Etxekoekin, ordea, beti zuka egin izan du. Baziren aitona-amonei berorika egiten zienak. Emakumeei zuka egiteko ohitura du. Herriko apaizari eta medikuari berorika egin behar izaten zitzaien.

Transkripzioa

- Lagunarten euskeraz itten zenduela lehen esan diazu.

- Guk mutillek bai. Mutil...

- Hika hitz eitten zenduen?

- Mutillei bai. Ta nik'e nere mouz in izan det etxen'e alabai ta andrei-ta hika... Ta gure alabak'e "Hika ikasi behar deu" ta, beno, nik kanpokoi ta etxekoi beti zuka hitz ein diet. Etxeko... gure alabai'e sekula ez diet nik hika hitz ein. Ta hika polittagoa dala ta holako kontuk esaten dizkie, baiño nik lehen ta oain'e... Ta kanpoko emakumei'e bai.

- Launekin'e zuka itten zenduen?

- Launek segun partitzen zan; kirakoa zana, batzukin hika, eta bestek edade gehixokoa bazan, zuka, ta hola partitzen giñen, ez dakit edaden proportzion eo hola partitzen zan.

- Eta zure gurasok zuei, seme-alabai, nola itten zizuen?

- Zuka.

- Zuka?

- Ta etxe askotan ordun, gaiñea, aiton-amonai beorika. Guk ez gendun ezautu, beorika ez nun nik ikasi. Ikasi, gutxi gorabehera nola hitz eitten zan banekin, baiño, alegia, bazien aiton-amonai beorika hitz eitten zien etxek hemen. Ta zuka. Ezta hika pentsau're!

- Zuek gurasoi zuka beti.

- Zuka.

- Baiño gurasok zuei're bai?

- Bueno, amak akaso, baiño aitte bruskogoa izaten da gehienen, etxe gehienetan, ta aittek hika hitz eitten zuen familik bazien semei. Ta nik ez dakit aittek... nik rekuerdo gutxi dauket, zeatio sei urte nittula hil zan. Baiño senidek beti hika hitz eitten gendun guk, zeatzeko. Alegie, behin ohittu giñen, ta... Nik, berriz, arrebai hika hitz eingo nien. Amai... Arrebai. Baiño, gaiñeakon, hika sekula ez det nik kostunbreik izan, emakumek dielako eo, behin zuka hasi, ta uain'e nik emakumekin hitz eitten detenen beti zuka hitz eitten diet, ta andrea izan o alabak izan eo billobak izan... Billobai'e hika hitzik ez diet uaindio in.

- Eta, Santos, izango zan herrin apaiza, medikue, o batenbat berori in behar izaten zitzaiona.

- Zan hoi ta... hala zan, ordun berorika hitz eitteko obligazioa zan, apaiza ta medikui ta hoiri. Baiño, ez dakit, lardaskau eingo gendun akaso beorika, baiño nik hola korrektu hitz eitteko ez nun ikasi beorika. Baiño apaizai, ustez behiñipin, hala, hala zan orduko normak hala zien, beorika hitz eitte.

2.2. Euskara gaur egun

- **Hizlaria(k):** Esnaola Esnaola, Santos
- **Elkarrizketatzailea(k):** Otegi, Aitziber
- **Erref:** LGO-001/055
- **Iraupena:** 0:01:47. **Hasi:** 01:16:33. **Bukatu:** 01:18:20
- **Multimedia:** bideoa online ikusgai
- **Gaia(k):**
Euskara » Euskalkia, herri hizkerak, euskara batua
Euskara » Beste hizkuntzak eta hizkerak
- **Laburpena:** Legorretako euskara gustatzen zaio gehien. Euskara nondik nora hasten den aldatzen aipatzen du. Gaur egungo euskarari buruzko iritzia ematen du. Beren etxeko umeek etxean ikasitako euskara hitz egiten dute.

Transkripzioa

- Zuri nungo euskera gustatzen zaizu gehiena?

- Tolosakoa esaten due ta nei Legorretakoa gehiena gustatzen. Gutxi kanbiatzen da. Baiño hemen Ikaztegieta, Alegria kanbiau itten zan asko euskera. Ba nik ez dakit nundik hartutako doiñue ematen zien diferente. Ta Itsasondoa ta hoita hainbeste ez, baiño hemendik behera, Ikaztegieta ta Alegrin, euskera diferente goa. Ta Tolosan, ta Legorretak nik uste gutxio

bariatzen zuna Tolosakin. Ta ez dakit nundi hartzen dien gauz hoik, hola zeatzen gendun guk.

- Eta gaurko euskera, ze iruitzen zaizu?

- Gaurko euskera, nik... neetzako ez da itten. Gure burua gogortuta dao ikasteko ta nik esaten det, hobeia izango da ta, alegie, ta baiño nik honi askotan esaten diot, alegie, nahio det erderaz letu, zeatio ez det entenitzen euskera hau. Ta ya erderaz ez deu ikasi, ta uango euskera ez deu ikasi, ez daukeu ya ze iñik guk.

- Zuek zuena.

- Bai.

- Bestela galdu ingo da.

- A bai.

- Hoi mantendu behar da.

- Ni... nik e... ez naiz aitzen gaztek hau hitz ein... hola hitz eitten die ta. Ni nere erara aitzen naiz, hitz eiten deten neurrin.

- Zuk herrin diferentzi haundie antzematen dezu zuk itten dezun euskeratik gaztek itten duenea? Esan nahi det, batuan itten duen umek'e izango die, baiño zure etxen pentsatzen det umek zuei ikasitako hizketa eukiko duela.

- Bai, gure umek gure tipoa hitz eitten due, alegie, hemen ikasi duena. Ta gero garai haitan hemen hola hitz eiten zan ta. Oain hok'e, karo, hoik'e maistra karrera in zuen ta, alegie, hor zeatzen due ta... Hau'e, oain, gaiñea, inglesa're ikasi... ten hor dabil, oaindio're, seme-alabak'e bea baiño haundigok inda dauzke, baiño oaindio inglese'a're jun itten da. Oaindio hoi're ikasi nahi due.

Transkripziorik gabeko pasarteak

Ondorengo pasarteak gaika landuta eta kodifikatuta daude, baina oraindik transkribatu gabe.

1. Legorretako eskola nazionalen ikasten ibilia (LGO-001/002)

Auzoan lehen zenbat etxe ziren azaltzen du. Eskolarik ez zuten auzoan, Legorretako eskola nazionalen ikasi zuen. Eguraldi ona zenean, etxean geratzen ziren lanean. Eskola nazionalen 6-7 urte zituela hasi zen, eta 13 urterekin bukatu zuen.

2. Eskolan neskak eta mutilak aparte (LGO-001/004)

Legorretako eskola nazionalera joaten ziren inguruko auzoetako umeak. Gerra garaian maistra izan zuten mutilek ere. Mutilek eta neskek aparte ikasten zuten eskolan.

3. Gerra eskola nazionalaren ikuspuntutik (LGO-001/005)

Eskolan hasi zen garaian, gerra hasi zen. Dena gerrako kontua izaten zen orduan. Eskolan, Francoren aldeko abestiak kantatu behar izaten zituzten; eta gerrari buruz zer bertsio ematen zieten aipatzen du.

4. Politikarekiko jarrera inguruko artean (LGO-001/007)

Santos en familia ez ziren politikan asko nahasten. Inguruko jendearen artean, denetarikoa iritziak zueden.

5. Herritarren jarrera politikoak eta gerrarako prestaketak (LGO-001/008)

Legorretan batzoki bat zegoen. Herriko plazan gerrarako prestatzen zituzten gazteak. Karlistak eta nazionalistak zeuden herrian.

6. Gerra hasi zenean, aita gaixo eta familia etxean (LGO-001/010)

Gerra hasi zeneko garaia gogoan du: aita gaixo zegoen baserrian eta harekin gelditu ziren; gorriak zetozen eta inguruetako jendeak ihes egiten zuen apartatutako baserrietara. Aita hil zenean, elizara eraman gabe lurperatu zuten, gorriek herria hartuta zeukatelako.

7. Legorretako gazteak arma bila eta nazionalisten buruzagiak ihesi (LGO-001/013)

Baserrietara ez zen soldadurik sartu. Legorretako gazteak etxeko armak biltzen aritu ziren. Nazionalisten buruzagiek ihes egin behar izan zuten Francok indarra hartu zuenean.

8. Gerraren bortizkeria Legorretan (LGO-001/014)

Legorretan ez zuten inor fusilatu gerra garaian. Gerrako kanoikadak gogoan ditu. Gerra garaian kalera ateratzen ziren.

9. Herrian auzolanean egindako obrak (LGO-001/019)

Baserriko bidea auzolanean egin zuten duela 60 urte inguru. Bidea zergatik eta nola egin zuten azaltzen du. Maisu ofiziala ekarri zuten bidea egiteko, eta hark agindutakoa egiten zuten. Materiala inguruko harrobitik ekartzen zuten. Herriko beste zenbait bide eta eskailera ere auzolanean egin izan dituzte.

10. Legorretako bola-tokia (LGO-001/020)

Legorretan ez zegoen plazarik, bola-tokia baizik. Hara joaten ziren gaztetan. Bola-tokia nolakoa zen azaltzen du.

11. Mutilak bola-jokoan eta neskak sokasaltoan (LGO-001/022)

Bolotan bik biren kontra jokatzen zuten. Mutilak bakarrik ibiltzen ziren bolotan; neskak sokasaltoan aritzen ziren. Gerora hasi ziren inguruko herrietara joaten. Auzoko umeak bakarrik biltzen ziren bola-toki hartan.

12. Gaztainerkin egiten zuten ospakizuna (LGO-001/023)

Gaztaina-garaian, gaztainak bildu, erre, sagardoa eraman, eta igande arratsaldean ospakizuna izaten zuten. Txabolatan egiten zituzten ospakizun haiek. Gero, jokoan aritzen ziren. Karta-joko haiek beren aurrekoengandik ikasi zituzten.

13. Gaztelaniaz egiteak prestigioa ematen zuen (LGO-001/025)

Neskak sokasaltoan aritzen ziren jolasean. Euskara debekatuta egon zen garaian, gaztelaniaz jakiteak prestigioa ematen zuen: neskek mutilek baino hobeto eta gehiago egiten zuten gaztelaniaz.

14. Dotrinan eta etxean euskaraz (LGO-001/026)

Dotrina erretorearekin ikasten zuten elizan euskaraz. Etxean beti euskara egin izan dute.

15. Gaztelania eta euskara norekin eta noiz (LGO-001/027)

Neskek gaztelaniaz hitz egiteko zaletasun handiagoa zuten mutilek baino. Erdaldunekin gaztelaniaz hitz egiten zuten. Kanpotik etorritakoen seme-alabek euskaraz hitz egiten zuten.

16. Legorretako harrobiko lana (LGO-001/032)

Harrobiko harria inguruko herrietarako ateratzen zen. Kamioi txikietan garraiatzen zuten. Harkaitza ateratzen zuten harrobitik.

17. Ebanisteriako lanaren gorabeherak (LGO-001/037)

Santos ebanisterian hasi zen lanean 16-17 urte zituela. Ebanisterian altzariak egiten zituzten. Ebanisterian bertan ikasi zuen lanbidea: lehenengo ikasi zuena gogoan du. Erabiltzen zituen tresnak aipatzen ditu. Hainbat lan mota izaten zituzten. Egurra Legorretako zerrategi batetik ekartzen zuten. Normalean gaztaina erabiltzen zuten.

18. Egurra ekartzeko moduak (LGO-001/038)

Santos arbolak botatzen aritu izan da, haiekin altzariak egiteko. Zerrategitik ebanisteriara egurra ekartzeko, behiak, astoa eta gurdia erabiltzen zituzten. Beren etxea egin zutenekoa kontatzen du. Idiak baino hobeak behiak izaten omen ziren lanerako.

19. Lan-baldintzak eta lanera joateko garraiobideak (LGO-001/040)

16-17 urterekin lanean hasi zenean, eguneko 4 pezeta irabazten zuen; etxetik oinez joaten zen. 20 urterekin izan zuen bere lehenengo bizikleta. 46 urterekin autoko gidabaimena atera zuen.

20. Prodemako lana eta lan-baldintzak (LGO-001/041)

Prodema lantegian zer lan, material eta tresna izaten zituzten azaltzen du. Produktu kimikoak erabiltzen zituztenez, segurtasun-neurriak hartu behar izaten zituzten. Leku askotarako egiten zuten lan. Santosek prentsen sekzioan egiten zuen lan.

21. Jornala etxean entregatzen zuenekoa (LGO-001/044)

Lehen astean behin ordaintzen zen jornala; gerora, hilabetea behin. Tailerrean irabazitako dirua etxean ematen zuen soldadutzara joan arte; ordu extratatik lortutako dirua, ordea, beretzat izaten zen.

22. Donostiara baserriko jeneroa saltzera (LGO-001/047)

Garia eta artoa egiten zituzten Santosen etxean. Gaztainak eta sagarrak saltzen zituzten Donostian Bretxan eta San Martinen. Merkatu haien egitura nolakoa zen azaltzen du. Lehen baserritarren bizi-maila altuagoa zen orain baino.

23. Merkatuko bezeroak (LGO-001/048)

Merkatuan sagarrak erostera askotan neskameak eta mandatariak joaten ziren. Ordiziara ere joaten ziren saltzera.

24. Saltzaileak etxera etortzen zirenez, inguruko herrietara joateko behar handirik ez (LGO-001/049)

Santosek beti ezagutu izan du trenbidea Legorretan. Ordiziara joateko joera izan dute. Etxerik etxe ibiltzen ziren saltzaileak telak saltzen eta ez zuten dendatara joan behar izaten.

25. Mezara zintzo-zintzo (LGO-001/050)

Igande goizetan herriko elizara joaten ziren mezara. Herrian hiru ermita daude. Umetan Santa Marina elizan ez zen meza ematen egun berezietatik aparte. Bezperatan zer egiten zuten azaltzen du.

26. Meza ostean, pilota (LGO-001/051)

Mezatik ateratzen zirenean, pilotan jokatzen zuten.

27. Zinera joaten zirenekoa (LGO-001/052)

Koskortu zirenean, inguruko herrietako festatara joaten ziren. Dirua izaten hasi zirenean, zinera joaten ziren. Pelikulak zentsuratuta egoten ziren.

Ahotsak.eus-eko edukiarekin sortutako dokumentu automatikoa.
2026-01-28

CC-by-sa | Ahotsak.eus
Badihardugu Euskara Elkartea
Markeskua Jauregia, 20600 Eibar
943121775 - ahotsak@ahotsak.com